

Tiga pesilat 24 JAN 1990 nasional dipilih

PENCAK/SILAT

HANYA tiga pesilat Skwad Sukan SEA XV akan disertakan dalam kontinjen Singapura ke Pesta Sukan Merdeka Brunei dari 3 hingga 15 Mac.

Sheikh Alauddin Yacob, finalis kelas 'I' Sukan SEA, Jamal Jantan dan Abdul Razak Yasin, adalah tiga pesilat yang berjaya memenangi saringan empat hari di rumah Persekutuan Silat Singapura (Persisi), di Kampung Eunos.

Menurut setiausaha jawatankuasa saringan Persisi, Mohamed Khamin Said, semua pesilat ini dipilih berdasarkan kepada saringan yang dijalankan selama empat hari itu.

"Kami membuat pilihan tersebut berdasarkan kepada saringan tersebut. Oleh itu, kami tidak dapat membuat sebarang saranan untuk menyertakan sama bekas pesilat-pesilat Sukan SEA, jika mereka tidak menyertai saringan ini," jelas Khamin.

Di samping itu, tambah beliau, kebanyakan pesilat yang ditampilkan ke Brunei itu adalah muka-muka baru.

"Adalah menjadi keinginan

kami untuk memberikan pendedahan kepada pesilat-pesilat muda bagi menimba pengalaman di peringkat antarabangsa," kata Khamis.

Bagaimanapun, Persisi tidak dapat menghantar 15 pesilat seperti yang dijadualkan. Mereka tidak akan diwakili oleh pesilat wanita dalam kelas 'D'.

Hanya empat pesilat wanita yang akan disertakan.

Berikut ialah senarai peserta yang terpilih:

Lelaki: Kelas A — Abdul Razak Osman, Kelas B — Norazman Hussin, Kelas C — Effendi Ani, Kelas D — Mohamed Jafri Osman, Kelas E — Muhammad Hairul Osman, Kelas F — Jamal Jantan, Kelas G — Abdul Razak Mohamed Yasin, Kelas H — Abdul Malek Mohamed Taib, Kelas I — Sheikh Alauddin Yaacob, Kelas Terbuka — Raja Ahmad Raja Yusoff.

Wanita: Kelas A — Kartinah Ahmad, Kelas B — Rita Samad, Kelas C — Rafeah Rashid, Kelas D — tiada peserta, Kelas E — Azlina Abdul Rahim. — MOHD SANI ALI.